

Guangjisi Minzcu Bau

ganhhau: CN45-0036 B.2020 Nd.1 Ng.8 liggaeuq geijhah nienz ndwenlab cibseiq

广西民族报

(壮文版)

主管主办: 广西壮族自治区

区民族宗教事务委员会

编辑出版: 广西民族报社

出版期数: 总第 3407 期

Swcigih Minzcunghvej Youq Ningzmingz Yen Banh Hozdung Angqgvaq Yenzdan

Yenzdan gaxgonq, Swcigih Minzcunghvej youq “dieg guhyienh aenmbanj(segih) song vah huzndei daengx guk buk daih’ it” Ningzmingz Yen Cwngzcungh Cin Gveizdangz Cunh banh gij hozdung aen vanjvei yienjheiq caeuq yenzdan guh’ angq “fatyienz Cuengh Gun song vah vwnzva huzndei, cukmaenh gij eiqsik caezcaemh Cunghvaz minzcuz”.

Aen vanjvei yienjheiq miz 26 aen cezmuz, 200 baux vunz lai caeuqfaenh yienjheiq. Ndawde 6 aen dwg cezmuz yienjciengq, yungh Cuengh Gun song cungj vah yienj; 20 aen cezmuz dwg

diuqfoux, miz fouxminzcuz caeuq fouxgvangcangz. Vanjvei cezmuz cungj dwg vunz lai gag bien gag yienj, neiyungz miz naengzliengh ndei.

Vanjvei lij caphaeuj miz gij cihsiz minzcuz lij lun cwngcwz, gij cihsiz conzdungj vwnzva maenhndei Cunghvaz, gij cihsiz cinjing banggungz daengj neiyungz mizciengj ceng dap hozdung dem, vunz lai gaenxmaenx caeuqfaenh.

Ciuq cam rox, Gveizdangz Cunh dangguh aen danhvei hwnjguh “dieg guhyienh aenmbanj(segih) song vah huzndei daengx guk buk daih’ it”, lai bi doxdaeuj, aen cunh neix hwnjguh

song vah huzndei miz cinbu, gak cuz ganbu vunz lai doiq gij leixniemh song vah faplwd diegvih bingzdaengj, hag yungh bingzdaengj, minz Gun song vah huzndei haeujlaeg simvunz, caemhcai youq mwh guhhong gvaq ndwenngoenz gagrox hengzguh. Baez hozdung neix, neiyungz fungfouq hingz sik lai yienh, gikfat gij gaenxmaenxsingq gak cuz vunz lai caeuqfaenh, caenh’ itbough giengzvaq hag caeuq yungh Cuengh Gun song vah, mboujduenh cukmaenh gij eiqsik caezcaemh Cunghvaz minzcuz.

(Cangh Haijyingh Lij Lizyungj)

SIUSIK DINJ

● Ndwen 1 ngoenz 3, Lozyez Siuhfangz Dadui bauxvunz senhconz bae Mbanjhojmai haiguh aen hozdung senhconz seizdoeng fuengz feiz fuengz cai. Mwh hozdung, bauxvunz senhconz fat siuhfangz cihsiz senhconz swhliu hawj vunzmbanj, doengzseiz yungh gij vah doengsug rox ngaih haenx gangj gij daegdiemj gyayungh dengi hwnj feiz, ngoenznaengz fuengz feiz aeu haeusim, feiz coemh baenzlawz gaggouq deuzmingh caeuq baenzlawz cingqdeng bauq hojgingj daengj cihsiz hawj vunzmbanj.

(Loz Meijli)

● Bi 2019 doxdaeuj, Lozcwngz Mulaujcu Swciyen Siujhangzmau Youwzyenz banh aen hozdung angqcoux yenzdan coux bimoq “feih minzsuz conzdungj, angqyangz bi Cungguk”, gyoengq lwgnyez youq ndaw angqyangz boq venz caij din venz, foux lungz caeuq raed sij cih “fuk” minzsuz hozdung angqcoux bimoq daeujaengz. Ndaw doz dwg lauxsae caeuq lwgnyez baij cih “fuk”.

(Yungzsenh)

Lwgnyez Daejniemh Minzsuz Coux Bimoq

Mwh yaek daengz yenzdan, Yungzsuij Myauzcuz Swciyen Siujhangzmau Youwzyenz banh aen hozdung angqcoux yenzdan coux bimoq “feih minzsuz conzdungj, angqyangz bi Cungguk”, gyoengq lwgnyez youq ndaw angqyangz boq venz caij din venz, foux lungz caeuq raed sij cih “fuk” minzsuz hozdung angqcoux bimoq daeujaengz. Ndaw doz dwg lauxsae caeuq lwgnyez baij cih “fuk”.

(Yungzsenh)

(Luz Ciuhyinz)

● Mboengqneix, Denhgoz Yen banh aen hozdung ganbu duiyoh “hoh yenzdan coux ciengmoq”. Hozdung miz dwk binghbanghiuz, dwkbaiz, dwk geizciengh daengj. Baez hozdung neix caenh’ itbough fungfouq gij ndwenngoenz ganbu duiyoh, gyalai gij angqyangz ngoenzciet.

(Loz Caivanh)

● Mboengqneix, Fuzsuih Yen vwnzva banggungz leih lwgminz yienjok nem citheiq bae mbanj hozdung bae daengz Gizliz Cin Gizcaij Cunh, yienjheiq ndeyawj hawj vunzmbanj. Doenggvaq diuqfoux, gagciengq, yienj heiqcaijdiu daengj hingz sik, senhconz aen loqsiengj Cungguk caeuq gij vwnzva maenhndei Cunghvaz minzcuz.

(Hoz Vwnzvuj)

Liujcwngz Yen Dajcauh Aen Vunqsik Moq Song Vah Dajgauq Miz Daegsaek Rengzrwd Coicaenh Minzcuz Doxgiet

Vih caenh’ itbough liz gyawj bauxdangsae dieg minzcuz, hawj bauxdangsae lai saenq fazgvanh, engq mizleih gaijgez ngaekngeu cengnauh, coicaenh minzcuz doxgiet, geij bi neix daeuj, Liujcwngz Yen Yinzminz Fazyen nyinhcaen damqra aen vunqsik moq song vah dajgauq diuzgaij miz daegsaek, aeundaeg cingzcik yienhda.

It dwg cujciiz fazgvanh caeuqfaenh daengx gih fazgvanh Cuengh Gun song vah gauj yungh Vahcuengh naengzlig, daezsang gij naengzlig dingq gangj Vahcuengh fazgvanh, ndaej cinjdeng yungh Vahcuengh dangdieg fanhoiz, gangjgej faplwd diuzvwnz, coenz hangzvah. Seizneix gaenq miz 8 baux fazgvanh doenggvaq gaujsi.

Ngeih dwg daezhawj Cuengh Gun song vah diuzgaij, saemjbuenq, hengzguh, laeb aen fazdingz cunzdauq daengj fugsae, youq diuzgaij caeuq hingzsaeh, minzsaeh, hingzcwng, hengzguh daengj gak yezvu bouhmonz cungj boiq fazgvanh song vah, cietsaed fatok gij cozyung youqgaen swfhaz yauqlwd sang leih lwgminz. Geij bi neix daeuj Liujcwngz Yen Yinzminz Fazyen bi bingzyaenz saemjgiet anqgienth daih’ iek 4800 aen, ndawde bi bingzyaenz saemjgiet anqgienth Cuengh Gun song vah 220 aen, cietsaed daezhawj fugsae mizyauq hawj vunz lai dieg Bauxcuengh.

Sam dwg dajcauh aen vunqsik moq fazdingz dajgauq miz daegsaek. Liujcwngz Yen dwg aen dieg lai aen minzcuz

nde, gak yanghcin vahdeihfueng, fungsug sibgvengq gig mbouj doengz, vih guh ndei hong saemj hengz, yen yinzminz fazyen ciuq gij daegdiemj mbouj doengz vunz faenbough caeuq minzcuz doxcomz, hableix diuzboiq bauxvunz banh’ anq, dajcauh gij vunqsik moq doiqciep dajgauq “it aen fazdingz it daegsaek”. Fazgvanh bae mbanj, miz ngaekngeu couh sikhaek gaijgez, mbouj miz ngaekngeu couh gaenxmaenx cienzdoh faplwd hawj vunz lai, dingz lai ngaekngeu cengnauh youq dangdieg couh ndaej gaijgez, gibseiz aeu buk anqgienth ndeu youq mwh ngamq fatseng couh gaijgez ndei, rengzrwd henhoh minzcuz doxgiet.

(Veiz Gyausienh)